

光緒丙子重脩

鎮平縣志

本署藏板

續增鎮平縣志序

郡邑之有志於周官之職  
方必以輔史之不足也天下

大矣凡一州一邑建置沿革

沿革治理之得失人事之廢  
興以及地方制度賦職役

山川風土人物史不能備書  
則名分寄推其志志之不  
詳官於何守願可忽乎哉  
鎮平縣志纂於康熙年  
間迄今百七十年之書漸焉  
也今吳君輯而續之書成請

序於余余解此治不身其  
侍曰其人存則其政舉志之  
修有司者之職也獨吳鎮平  
處萬山間幅員遼濶兵燹  
以後民生凋弊姦匪雜出訟  
獄繁興官斯土者明不暇給

吳君獨能以其解力徵文攷獻  
而成是書吳君其果能優游  
暇豫先行其實而後以文者  
歟其視後於聲利進取於  
所當為不為而為所不當為者  
其賢不肖抑可知矣余既喜

邑志之續修復嘉吳君之志  
曰樂為之書首以勵吾儕焉  
光緒三年小陽之月

撫豫使者李廣綸撰

11

12

13

叙

余幼讀南史列傳見宗少文臥  
遊暨宗慤願乘長風破萬里浪  
其志趣之高邁抱負之恢宏竊  
欣慕焉同治甲戌秋奉

命宰鎮始知其爲邑之前哲也



嘗周歷疆圉登邑西北五朵覆  
釜諸山層巒疊嶂環列拱衛其  
下若照河潦河嚴陵河奔騰南  
涯有瞬息千里之勢益信其間  
誕奇毓秀有自來矣因檢閱志  
書以稽往事惜舊志修於康熙

三十三年閱時已久字畫漫漶  
不可辨識夫一百七十年以前  
之事蹟旣苦於脫畧不完一百  
七十年以後之文獻將散佚而  
無可攷核心竊憂之第下車伊  
始諸務麇集昕夕不遑越明年

乙亥仲秋官民相孚乃商諸邑  
明經王君翊運輩咸踴躍從事  
於是網羅雜記搜採遺聞山川  
古蹟吏治學校賦役風俗人物  
科名沿革推遷之故盛衰消長  
之原畧者詳之闕者補之信者

因之疑者釋之公暇編輯時必  
精必慎六閱月而告成捐廉付  
梓抑余更有進者鎮邑爲古猗  
帝舊都數千年來俗尙儉樸家  
勤耕織我

朝聲教四訖涵育薰陶沐浴

聖化者人人文勝於曩昔自拾  
氛竄擾以來四郊多壘不暇茲  
誦余視事時已值澄清接見紳  
者大都醇謹質實多士旣飭行  
勵學以奮於功名卽農工商賈  
亦莫不篤倫常重本業風氣猶

爲近古則激濁揚清顯微闡幽  
以維教化而資觀感固余所深  
望也若以弇陋不文之辭謂足  
供攷鑑備采風則吾豈敢

光緒二年歲次丙子孟夏上澣  
鎮平縣知縣吳聯元撰



重修鎮平縣志銜名

鑒定

兵部都察院右副御史巡撫河南等處地方提督僉事

李慶翔

小澗山東歷城人壬子翰林

河南等處承宣布政使司布政使

劉齊銜

冰如福建閩縣人辛丑進士

河南提刑按察使司按察使

傅壽彤

青字貴州貴筑人癸丑翰林

廣西河南等處提刑按察使司按察使

吳潮

述韓江蘇儀徵人壬子進士

分巡河南開歸陳許等處兼理河務兵備道

德馨

曉峯滿洲鐵嶺紅旗人

河南通省糧儲鹽法道

陳世勳

墨樵浙江歸安人



署河南通省糧儲鹽法道

李汝鈞

子衡江蘇甘泉人庚子舉人

相政使銜分巡河南南汝光兵備道

劉成忠

子恕江蘇丹徒人壬子翰林

鹽運使銜南陽府知府

任愷

樂如甘肅甯朔人

纂修

六品銜鎮平縣知縣

吳聯元

紫琳江蘇高郵人孝廉方正科

倡修

直隸州用前署鎮平縣事南陽縣知縣

劉世勣

菊農山東濟平縣人丁酉拔貢

參訂

國子監博士銜南陽府儒學教授

宋繼郊

述之祥人  
甲辰舉人

六品銜鎮平縣儒學教諭

吳修吉

文山溫縣  
人廩貢

國子監典簿銜鎮平縣儒學訓導

侯三山

海峯杞縣人  
壬戌舉人

邑

拔

貢

生

王期運

乙酉  
科

前署中牟縣儒學訓導

任象山

邑舉  
人

候

選

教

諭

王元亮

邑人

縣

縣

訓

導

高建章

邑舉  
人

採訪

恩 榜 舉 人 張作謀 邑人

恩 貢 生 候 選 訓 導 易紹義 邑人

刑 部 郎 中 劉根仁 邑人

戶 部 員 外 郎 張陞雲 邑人

戶 部 主 事 劉雲錦 邑人

拔 貢 生 孫象賢 邑人

薦 貢 生 王名世 邑人

邑 廩 生 李予強

邑

廩

生

王景祥

邑

廩

生

呂清訓

邑

廩

生

陳桂

邑

廩

生

高建倫

六

品

銜

邑

庠

生

冀焱森

邑

庠

生

趙書堂

邑

庠

生

趙寅垣

邑

庠

生

許松嶽

邑

庠

生

陳坤華

邑

庠

生

喬震奎

邑

庠

生

蔣紹文

監刊

六品銜鎮平縣典史

劉寅

仙遊江蘇江  
寧人

凡例

一前志修於康熙三十三年板多漫漶迄今一百七十餘年旁搜博採恐不免遺漏茲謹就邑人採訪及官牘所載核實增補不醕不備所望後之君子救其失焉

一鄭樵謂圖興於河圖大地自然之象故圖列卷一  
一端爲圖十有二

一表例始於馬班茲編表職官則分古今以昭爵

秩表選舉則列科目以重人材

一金元遺山先生正大三年除鎮平令舊志未載  
遺山爲金時名宦詩學居金四大家之一今謹

據金史及郝文忠公遺山墓誌銘補入職官表

一舊志金正大五年改爲鎮平縣隸申州考元遺

山文集夾谷碑云正大三年初置申州今改正

一舊志山川中載富春山爲嚴子陵故蹟殊失攷

據菩提寺以爲菩提證道處恐涉附會鑼鼓河

舊志以爲今無聲此語未確鎮邑八景三潭夜  
月柳泉帶雨舊志註解亦未明晰今於各條下  
詳加攷辨

一志書爲傳信之編必須攷最真確方可登載舊  
志記祥異載明成化二年民間生白豕類象崇  
禴十一年豕產象均爲齊東之語今一概刪去  
一登載選舉貢生列恩拔副優歲五項援例必須  
實職保舉必須出仕或候銓選者凡屬虛銜及



皇朝通志卷之六十一  
二  
軍功頂戴例不入志

一 義行文苑如其人尚存或見聞不真者概不採入  
一 藝文碑碣非名人勝跡及文不雅馴者均不濫收

鎮平縣志總目卷一

草字序 大字叙 原叙 官銜 凡例 總目

沿革 分野 疆域 山川 古蹟 圖

八景 陵墓 風俗 土產 祥異


卷二 卷三 卷四

建置 典禮 賦稅 職官表

卷五

卷六

辟薦 選舉表 人物 流寓 藝文



鎮平縣志卷之一

沿革

建邗列土歷代同風更置異名隨時變通博而弗核考信無從爰溯源流俾知折衷志沿革

唐虞

隸豫雍之間

夏 按禹貢屬豫之西南

商 仍隸豫州

周 隸豫 穰屬楚 戰國屬韓

秦 屬南陽郡

澠 安衆縣

又爲清陽縣

漢書注曰  
故定西鄉

隸因之

隸 屬魏

晉 改安昌縣屬義陽郡南北朝廢爲穰縣北鄉地

隋 唐 五代 咸因之

金 初置陽館鎮正大三年改爲鎮平縣隸申州

元 至元八年改申州爲南陽府縣仍屬

明 初遣千戶秦藝招撫省人南陽縣後復改爲

鎮平縣

國朝因之



分野

按周禮保章氏註䟽房心爲豫州史記天官書亦云今南陽屬豫之南土鎮邑附南陽之西疑屬房心又按晉天文志南陽荊州之域當楚之分野星分軫翼南陽入軫六度又似屬軫班史地理志韓地角亢氏之分野韓分晉得南陽郡又似屬角亢氏據廣輿記又作張分野然星學未有真傳紛紛聚訟已非一日况鎮平蕞爾更代附屬未易枚舉



而可執所屬哉姑采諸說以俟知者

城

東至南陽縣潦河交界四十里到南陽縣七十里  
西至內鄉縣曲家屯交界四十至到內鄉縣九十  
里南至鄧州黑龍集交界五十里到鄧州九十里  
北至南召縣南河店交界九十里到南召縣一百  
八十里東南到鄧州穰東交界五十里西北到內  
鄉馬山口交界七十里西南到鄧州楊集交界五  
十里東北到南陽安臯交界四十里至開封府六

百七十里至

京師二千三百里

山川

嶽瀆流峙地勢攸分矧茲山城峯巒嶙峋龍湫  
所據漲溢時聞或積沙石或叢荆榛山川如故  
人民代更因時俯仰懷古寄情志山川

騎立山 在縣北九十里其狀若騎立又名五朵  
山曰聖朵曰禪菴朵曰摩雲朵曰嬌女朵曰亞女  
朵今考古史此山古猗帝氏都其下

杏花山 在縣北十里其地多杏巒岫層疊北環

若屏長亘百餘里接連騎立山

遮山 在縣東三十里俗傳光武爲莽兵所迫得此山遮之乃得遁去故名

甕山 在縣西北三十里上有石穴如甕狀

金塚山 在縣西北三十五里

先主山 在縣西南三十五里上有先主廟

覆釜山 在縣西南四十五里上有雅祖洞五龍泉

夫子嶺 在縣北二十里昔有隱者居其上故名

羊羔嶺 在縣東南三十里上有石羊

滴珠嶺 在縣北三十五里懸崖水滴如珠舊名

滴珠嶺 嘉靖間鄧陽葉照遊其處改今名

龍立山 在縣西北六十里騎立山之麓

梅東坡 在縣西北七十里騎立山之陽勢極峻

峻格云昔有往騎立龍湫禱雨者至此難陟降而

追悔故名

廟兒岡 在縣西十三里有古樹徑圍丈餘昔光

武曾憇其下至今無螻蟻舊有光武廟久廢

幹支各河

明萬厯間新創渠十四道江石渠二里河渠沙埠

口渠方山渠嚴陵河渠杜家河渠寨子河渠蘆葦

河渠高近河渠苦地泉渠柳泉渠如縣李幼勳

督修水利頗盛今止存沙埠口渠高近渠餘俱廢

東路濼河自本境五朵山發源起流入南陽縣

境至新野縣入白河南北長一百三十里寬四五

丈深七八尺一丈不等

西路照河 自本境五朵山發源起流入鄧州境

至湍河南北長一百三十里寬三四丈深入九尺

五里河

西路嚴陵河 自本境嬌女朵發源起流入鄧州

境至湍河南北長八十里寬四五丈深八九尺不等

舊志載嚴陵西有富春山嚴陵洞俗所謂嚴陵

瀨者卽此攷富春山嚴陵瀨皆在浙江此涉附會



以上幹河三道俱深通向無堤岸間有淤塞隨時疏濬

東路十二里河 自本境杏花山發源起流入照河南北長四十里寬一丈深七八尺不等

五里河 自本境大關口發源起流入淇河南北長四十里寬一丈深六七尺不等

三里河 自本境淺山發源起流入淇河南北長三十里寬一丈深六七尺不等

東倒流河 自本境遮山發源起流入潦河南北  
長十四里寬一丈深六七尺不等

中倒流河 自本境遮山發源起流入潦河南北  
長八里寬一丈深六七尺不等

西倒流河 自本境遮山發源起流入潦河南北  
長八里寬一丈深六七尺不等

南路鑼鼓河 自本境鑼鼓廟發源起流入照河  
南北長十里寬一丈深六七尺不等

鑼鼓河府縣舊志皆云歲人沙漲聲不聞攷河之源自鑼鼓廟起經八里廟袁家營至趙家營之茶菴入湟水河底多石流成小潭水淺聲似鑼水大聲如鼓今尚如是惟源頭一段沙淤豈可概以爲然

西路西三里河 自本境淺山發源起流入東三里河南北長三十里寬一丈深六七尺不等

黃土河 自本境望火樓發源起流入嚴陵河南

北長五十里寬二丈深六七尺不等

江石河 自本境陽安寺發源起流入嚴陵河南  
北長五十里寬一丈深八九尺不等

攷鎮邑南距江八百餘里舊志江石河似誤按  
本草薑石形如薑鎮邑土瘠多薑石江石疑薑  
石之訛

西河 自本境郭家岡發源起流入嚴陵河南北  
長四十里寬二丈深八九尺不等

蔡家河 自本境四龍廟發源起流入嚴陵河南  
北長七十里寬二丈深七八尺不等

九曲河 自本境小龍寺發源起流入照河南北  
長十里寬二丈深七八尺不等

沙河 自本境雙朵山發源起流入內鄉縣默河  
南北長七十里寬二丈深七八尺不等

以上支河十四道均一律深通

三潭 在縣北九十里出騎立山上有三龍湫俗

呼爲上中下三潭勢。人跡罕到。歲旱禱雨輒應。  
小龍潭 在縣北二十里。源出杏花山。亦名龍湫。  
禱雨卽應。

柳泉 在遶山北。廣五丈。溉田甚遠。漢宣帝封膠  
東載王子疆爲柳泉侯。故有此名。



古蹟

邑在上古猗帝舊都騎立岡阜遠溯皇圖漢安  
衆侯藩封奧區名蹟勝景邑乘備書晉宋兵燹  
茂草荒蕪桑田滄海憑弔嘻吁博加蒐訪故老  
宿儒輶軒備採其在斯歟志古蹟

形勝 按郡志鎮平北聳羣山之秀南匯衆泉之  
流東峙遮峯西連覆釜潦河澄於左照水遶其右  
枕山帶河四圍盤踞雖非通都大邑有輪蹄輻輳



之繁沃野平原之美然亦一邑之勝概云  
猗帝建都處在騎立山之巔

紫金城安衆侯藩邸在城內西北隅有舊址高昂  
俗呼紫金城

安國城漢王陵封地後安衆侯起義討莽屯兵於  
此地勢高聳舊隍爲溪在城東北三里許

覽勝臺卽破臺因山岡嶄然故名破臺後易名覽

勝在廣洋山

燕子臺卽燕子巖在杏花山廣約丈餘下有石穴  
內多燕巢

蓮菱池一名天池在縣西南五十里久涸

菩提巖相傳菩提證道於此有肉身在洞中過客  
土人咸敬禮之

按菩提巖舊志以爲菩提證道處此說恐涉附  
會

子房讀書處黃石公授素書於子房讀於此後人

建子房廟

都土地化身處宋熙甯時王千戶夫婦俱坐化於此封漢上九州都土地在匾坡土人建廟於此葛仙塔明葛道人化於此肉身尚存在先王山之南三里許

靈濟祖師卓錫處在滴玉崖有碑

先王山昭烈駐兵處


鎮平縣境圖

鎮平縣城池圖

文廟圖

縣治圖

八景圖



陽界

界

鎮平縣志

圖



先王山

覆盆山

天池

北

南

信

馬庄

青

天

馬庄

天

寺

觀

村

村

村

村

村

村

村

村

村


村


村

村

界

城池圖





城隍廟

北門

清瀾書院

太極觀

老書院

塔



龍王廟

馬王廟


倉房



學宮總圖



縣治圖



圖

四

鎮平八景圖

五  
嘉  
晚  
烟



鎮  
平  
縣  
志

五

五

三潭夜月



杏山鋪錦



五崖滴翠



花峪覆雲





柳泉帶雨



嚴陵春漲



眞下縣志

圖

安國疎鐘



八景

五朵曉烟

五朵在萬山中峯巒聳翠上有龍岫能興雲雨每朝  
辨烟霧遊人眺覽登拱辰樓凭欄一望嵐氣龍蔥

三潭夜月

三潭卽五朵龍湫巖石盤曲林木陰森每  
潭夜月印潭中如萬丈重淵一顆明珠

杏山鋪錦

山多杏每春月花開爛  
漫如錦屏幕列山隈

玉崖滴翠

清玉崖上一古樹泉出樹下蘇蘇滴崖  
前舊名滴淚有葉中丞遊此易今名

花峪覆雲

紅花峪沃壤一區多植桃李花開時炫耀奪  
目如見滌岳河陽及覆以微雲倍增可愛

柳泉帶雨

泉旁多柳春間柳色泉聲動人  
流覽加以陰雨膏潤益多嫵媚

嚴陵春漲

縣西南四十五  
里有嚴陵河

安國疎鐘

安國侯封  
今改為寺

以上八景註釋係舊志

按三潭夜月舊志注云每暗夜二字似屬原解月印潭

中

加此四字於暗夜之下則欠解矣  
增夜即無月月印潭中夜當不暗

如萬丈重淵一顆明

珠此非三潭夜月之真解也天下何處無水何

處水月無影豈惟三潭又各處多以潭月爲景

似仿杭州十景之三潭印月然此三潭夜月

實與眾不同蓋潭之兩岸皆山山皆青石毘

連河底石開陡岸盤曲而下卽龍湫也夏月  
水漲沙流石上石色因而潔白雖當月落雲  
黑之夜遙望河底石之泐草之莖皆可指數  
恍如朗月當空所謂三潭夜月也

按柳泉帶雨舊志注云泉旁多柳陰雨膏潤

益多嫵媚此非帶雨二字確解

如舊志云是陰雨  
可觀晴明殊益足取蓋

斯地沮洳之泉可數十處滙爲一池下資灌  
漑泉源錯落細流潺湲恍若新雨初過流水

縱橫所謂帶雨也

陵墓

漢劉崇墓在縣東北三里許安國城外

王陵墓在安國寺後

漢烈女塚事見烈女

明九女塚在晁陂有六大塚附近有九小塚俗傳有育九女者歿而九女爲之營葬焉

雙烈塚咸豐時殉難事見烈女



鍾子期  
琴名  
一

風俗

鎮邑僻處宛右北枕杏山羣峯相聯間有平壤可  
耕復爲山水所漲溢故民間正賦之外其餘僅足  
以贍俯仰則崇儉樸罔踰制者固因近山之性亦  
有出於不容不儉者也明萬厯間頗尚繁華亦承  
平日人文勝之弊使然及鼎革以後民之所存者  
無幾且謀居處衣食之不暇又何敢侈靡乎我  
朝龍興以來荆棘漸闢而爲村落草萊漸墾而爲

苗畝秉耒之餘時復橫經俗幾臻乎文治矣今

上建極方三十年其間生聚教養海內熙然向化  
且慎選循良以撫育之蠲租賦勸墾荒重本計懲  
游惰嚴保甲設約鐸禁奸緝暴可謂至矣鎮民雖  
愚未有上行而下不效者也但邇來民以兵燹之  
後獲見太平遂以向善之心流而爲黷祭報賽祈  
禳之事不能驟革然以其地近楚沿習成風故也

在守土者興學明倫務本抑末以開導之則武

城之弦歌可復見於今日矣安在十室之邑不有  
忠信哉 康熙年間舊志



王產

鎮平僻處山巖奇物不登所產皆常品也今集其  
土性之宜者列於左

花類

桂 丁香 海棠

果類

杏 棗 柿 梨 桃 栗 櫻桃 胡桃  
蒲桃 榴 白果 蘋果

木類

冬青 楸 檀 楊 桑 榆 栲 松

椿 桐 槐

竹類

青竹

藥類

白菊 牡丹皮 赤芍 山查 蒼朮 杜

仲

蟲類

蠶

蜂





祥異

明

成化二年二十二年穀秀雙穗甚有二莖五七穗  
一時稱瑞

嘉靖元年正月朔地震四年夏麥一莖雙歧並有  
四五歧七年大饑人相食十一年城下地裂深丈  
餘久復平十七年蝗食稼三十四年冬十二月地  
震

萬曆二十一年大水民多饑三十二年雹殺禾稼  
四十七年蝗食禾

崇禎六年大水十二年蝗食稼

國朝

順治二年地震六年大水知縣李宗道查漂沒甚  
者申請得蠲租十五年秋澇十六年春多鹿忽遍  
澤成羣民逐輒獲之十八年歲歉

康熙五年五月雨水八年秋澇十七年歲歉十八

年五月初五日嚴陵河水暴溢淹民房麥禾近河  
溺死者多

明季災異仍錄原志我

朝龍興以來四十餘年生聚教養治比成康豐年  
之瑞屢覩雖水患偶作總無傷於太和但志以  
昭將來姑采其稍妨於民者述之如右以備民  
牧之修省至於草木不特之華畜牧非類之產  
間亦有之恐蹈粉飾概置不錄

康熙年間舊志

嘉慶十八年春夏亢旱歲大饑六月始雨多種枝  
麥八月隕霜殺蕎民間取蕎花食之多染疫

道光十三年三月二十日夜大雪傷麥

道光十四年四月雨雹傷麥

道光十五年蝗食秋稼遺蝗子次年復生

道光十六年蝗食秋稼

道光二十六年六月二十三日夜大雨遍野有火

光望之如列炬然倏忽不見是年亢旱秋間麥雖

布種次年二月始得雨麥多不熟

咸豐元年七月二十六日暴雨湟水漲溢傷民房  
咸豐四年麥秀雙歧

咸豐七年八月蝗蔽天日損禾稼

咸豐九年春亢旱麥不成熟

咸豐十一年二月九日皖捻姜汰凌疊竄縣境

同治元年三月皖捻由鎮境西竄七月賊由郡城  
竄縣境八月初六日另一股賊夾城而過由東向西

同治二年九月拾竄縣境并盤踞板橋川四十餘  
口白土岡九十日

同治三年二月五月十月皖拾疊竄縣境

同治四年八月賊竄縣境

同治五年七月賊竄縣境

同治六年四月賊竄縣境南路

光緒元年騰食麥苗

鎮平縣志卷之二

建置志

築城鑿池以資保衛官寮舍治公之地常平  
倉儲年豐籌備建廟設壇尊崇祀事書院義學  
風教所繫坊表綽楔彰德貴貴鎮集村堡民廛  
鱗次津渡橋梁人免厲揭議修議設隨時敷治  
志建置

城池



周圍九百二十三丈磚築高一丈八尺厚八尺墜  
深一丈五尺濶一丈五尺門樓四座角樓四座始  
置不可考或曰光武所築也明成化間知縣李賢  
李達先後重修劉勳展南城數十步名其東曰安  
陽南曰便民西曰武平北曰懷遠有展城記萬曆  
間知縣翁金堂重葺更名其門東曰毓元南曰宣  
昭西曰省成北曰賓穆李幼勛復葺扁其門東曰  
濟旭南曰景正西曰觀成北曰拱宸崇禎間知縣

鍾其碩周圍增築營房八百餘間添置敵臺十二座後圯於寇門樓俱燼

國朝知縣李似楠重修四門樓順治十四年城爲澤潦所圯知縣王繼祐重修日久復傾康熙二十七年至二十九年知縣張琮陸續捐修

同治元年捻匪竄鎮境邑人以城池不固難以防守遂捐修將城加高五尺城濠照舊制加寬復濬深五尺

同治元年捻匪竄鎮境戶部員外郎張陞雲獨力捐修東門外甕城城濠并於東南隅創修石攔知縣謝金誥顏其門曰功資捍衛

縣治

在城西南隅舊址無考金正大間置縣其治在北元至元間知縣劉天順徙今地明正統間知縣曹宣重修有記成化間知縣劉勳嘉靖間知縣趙憲阮嵩相繼重修大堂五楹東西二間爲庫藏東側

爲架閣庫吏戶禮部共七間西側爲承發房兵  
刑工三房共七間堂前有拜庭三間左右有東西  
班房各三間前有儀門三間東西角門各一間西  
有獄舍六間門外東爲衙神廟三間大堂後有燕  
居堂三間額曰清敏堂東西門房各三間後有寢  
廡五間東西廂房各三間東有幕舍六間知縣胡  
文瀚創建有記儀門前譙樓改爲大門有記縣堂  
東爲典史衙正廨三間書辦房三間前門一間後

寢屏三間東西廂房各二間東廡三間兵燹後大半就圯

國朝知縣李宗道蕭國弼葉日升張琮相繼重修道光五年知縣黃樹本大堂前建安阜坊

道光十六年知縣蘇芳阿新修東花廳捲棚三間套房一間涼亭一間判牘處淡如軒三間西幕舍

八間額曰盍簪書屋西北修葆光洞一座又大堂

西廡修馬王廟陰棚三間草房四間大堂前重修

倉房二間號房一間禁卒房一間

道光二十年知縣張維鑑新修龍王廟大殿三間  
捲棚三間

咸豐九年署知縣王履泰重修幕舍寢廨

同治七年知縣謝金誥新修大門內東西民壯房  
各二間花廳後幕舍三間

同治十二年六房新修蕭曹廟大殿三間捲棚三  
間並修衙神廟大殿三間捲棚三間

光緒元年知縣吳聯元修葺澹如軒三間又獄舍  
九間重加修理稟 府憲立案

**學校**

在縣治東舊在城西北隅創建無考元至元間知  
縣李炳明宣德間知縣白岳成化間知縣李賢劉  
勳次第修拓有記嘉靖間邑監生張達捐資重修  
有記又知縣陳濂阮嵩鄧朝相李幼勳相繼拓修  
重新有記萬厯間知縣梁必先以科第寥落用形

家言遷今地建

大成殿 五間東西兩廡各七間戟門五間左右  
名宦鄉賢祠各三間櫺星門三座泮池一區殿後  
崇聖祠三間殿西爲明倫堂五間前爲騰蛟起鳳  
門又前爲儒學門堂後爲教諭宅殿東爲訓導宅  
廟前通雲路開小南門廟東南建文昌閣城東南  
角建魁星樓天啓間知縣張爾庚有記

國朝教諭張爾雅重修明倫堂訓導楊遺白重修



櫺星門

康熙二十三年奉

旨通行廣學宮知縣葉日升重修大殿兩廡戟門  
移泮池於櫺星門內開小南門於文廟前曰聚星  
移文昌於東南隅爲魁星樓並祀文昌於中增學  
舍四座於兩廡之南北共十二間有記

康熙二十八年知縣張琮奉

撫院閻增設

文廟內春秋上丁祀典祭器並選樂舞生六十四

名執役歌詩樂舞份以俱祭祀

教諭署康熙三年奉

旨裁汰教諭衙署蕩焉無存康熙二十年復設道光二十七年教諭吳修吉就舊地捐修三十三間有碑記

訓導署年久失修半多損壞同治十二年訓導侯三山捐俸補葺並增建東院房六間共三十一間

金平野志

卷之二

六

學田

一在晁陂舖地二頃四十一畝一在西臺地一頃  
五畝九分九釐一在塚上寺地一頃八十畝九分  
一在賈宋鎮地二畝三分七釐一在鳳洋店地三  
十八畝五分一在馬隱寺地五十五畝七分一在  
義井河地三十九畝七分九釐諸地或循舊蹟或  
紉淫祀統歸之學收租贍士明知縣翁金堂整理  
後俱廢荒今所墾種者二頃八十畝二分五釐每

畝徵銀二分其徵銀五兩六錢五釐解  
督學道轉濟貧生

倉儲

東廩東一廩東三廩東四廩西北上廩西一廩東  
北小廩二間空

倉神廟二間

以上常平倉計二十八間

義倉廩

盈字一廩盈字二廩盈字三廩

豐字一廩豐字二廩豐字三廩

金本縣志  
卷之二  
二  
豐字西小廩一間

以上義倉七廩計屋十九間 借用常平倉

管理義倉首事喬玉庭臧錫榮賈文和趙升堂

清陽書院

清陽書院道光八年知縣蘇芳阿以縣署地方狹隘每逢縣試有地狹人多之患乃於城西北隅

文廟舊址東建清陽書院以爲屬試之地計建五峯拔萃堂五間東西廂房六間講堂五間捲棚五間東院學舍三間東廚房三間西院學舍五間東西號舍四十間二門三間東西門房四間文昌閣一座大門一間同治六年號舍火焚知縣吳芳齡



金之... 卷之...  
復加修葺署布政使 傅憲壽彤有碑記

光緒二年知縣吳聯三增建號舍六間

蠶蔡橋地一項十四畝水溝地一項零八畝大莊  
寺地七十二畝魏冲地八十一畝大龍王廟山  
地一區大莊寺地十畝沙埠口地二畝六分

同治六年知縣吳芳齡捐銀一千兩發典生息充  
生童膏火光緒元年知縣吳聯元捐錢五百千發

典生息充生童膏火

義學

老書院學堂三間東西廂房六間大廳三間西屋  
三間大門二門各一間今改爲啟蒙義學候選教  
諭王元亮經理兩銘義學在東關外同治四年遊  
擊銜張攀桂同任戶部員外郎張陞雲讀眉山蘇  
氏族譜范文正公歲寒堂記慕其論說之詳設施  
之密乃建祠堂延師課族中子弟嗣又推廣其義  
設兩銘義學集邑中生童數十人延請名師督課

歲科試多有獲隽者光緒元年知縣吳聯元請

撫憲劉給敦義可風額以示獎勵

太極觀義學戶部員外郎張陞雲捐設

城內西門儲俊義學千總銜王屏封經理

城內南門興賢義學候補把總趙升堂經理

石佛寺啟秀義學增生冀焱森廩生李子強經理

晁陂毓材義學廩生王景祥經理

侯家集崇正義學歲貢生易紹義經理

以上除兩銘及太極觀兩義學由戶部員外郎  
張陞雲自行捐辦外本城啟蒙儲俊興賢並各  
鄉啟秀毓材崇正六義學知縣吳聯元創設每  
年延師修脯俱由縣自行捐資每逢朔望塾師  
宜講

聖諭廣訓直解並令幼童在塾終日誦讀以端風  
俗而化愚蒙

鎮平縣志

卷之二

十一

公所

東賓賓館房十二間在縣署前

西賓賓館房七間在縣署前

普濟堂文王殿一間瓦房六間草房二十間

養濟院文王殿三間草房十七間光緒二年院內

房年久失修半就傾圮知縣吳聯元捐廉改建

瓦房十一間

金匱要略

卷之七

十一

廟宇

文昌閣 正殿三間拜殿三間大門三間道光二十二年知縣張維鑒重修

武廟 在東門內同治四年燬於火片瓦無存光緒元年秋知縣吳聯元商同紳士三品封典喬玉庭教諭王元亮等勸捐重建知縣吳聯元倡捐三百千勸捐二千七百串重建大殿三間山門五間三代殿三間東西廡房六間



南陽府志先師廟祀後附載宋濂云古者造木  
主以棲神天子諸侯之廟皆有大夫東帛以依  
神土結茅爲菴無有設像之事今因開元之制  
搏土而肖像焉則失神而明之之義矣邱濬曰  
北史有造銅人泥人固非禮法所許况以祀聖  
人耶又况後世郡邑豐瘠異貌老少殊狀無當  
於聖容耶今鎮邑重建武廟參用先儒宋邱  
兩家之說段氏主不塑象以昭肅敬

城隍廟 大殿五間拜殿三間鐘鼓樓各一間東西廊房各十二間三曹殿三間祖師殿三間寢殿三間東西道院各十五間眼光殿三間樂樓一座山門三間同治十二年知縣張薇重修

史載漢紀信乘王車誑楚脫漢王於難爲漢之忠臣其功大矣生時旣未受封歿後并無卹典及其子孫後人頗爲太息至明太祖時始封爲固始縣城隍而名始顯榮澤縣北有廟王者衣

冠不知爲何代所封其地卽當年誑楚處今鎮平城隍相傳神爲紀大將軍舊志未載其事他書亦未見三月十八日土人以爲神誕拜禱者極盛將軍生爲忠臣死當廟食此邑城隍爲紀大將軍衡以有功德於民則祀之之義禮亦宜之謹登諸邑乘以俟博雅考據

火星廟 在西關外大殿三間捲棚三間天師殿

三間火神閣一座祀以六月二十一日

風雲雷雨山川壇 在南門外迤西百五十步  
祭以上戊日

社稷壇 在西門外迤北去城百步許祭以春秋  
二仲上戊日

魁星樓 在城中東南隅

延壽寺 在城東門裏大藍殿三間十王殿三間  
菩薩殿三間官廳三間道房十四間明嘉靖間  
僧惠聰募修

太極觀 在東門大街大殿三間捲棚三間水神殿五間火神殿五間道房四間

馬神廟 在縣治東大殿三間捲棚三間祀馬祖馬步司馬馬社先牧祭同日

八蜡廟 在西門外迤南五十步許祀先嗇司嗇水庸司農水坊貓虎百種郵表畷上戊日祭

邑厲壇 在北門外百步許祀無後孤魂並上蔡

旗纛無祠 在端陽霜降二日祭於演武場

土地祠 卽衙神祀以二仲上戊日

福勝寺 在縣西北五十里一名金河寺

靈泉寺 在縣西南十五里一名燈禪寺又名中

興寺寺後平坡有一石羊毛毳毳下垂

廣泉寺 在廣洋店北

明月寺 在杏花山一名團朶寺

安國寺 在縣東北三里安國城內

金之財  
卷之三  
二七  
圓通寺 在賈宋有小塔數座

菩提寺 在杏花山

大乘寺 在縣西四十里一名塚上寺

關帝廟 在晁陂鎮大殿拜殿道房共十間

龍泉寺 在縣西北三十里一名陽菴寺

華嚴寺 在嚴陵河東

洪教寺 在城西北十五里一名石佛寺

清涼寺 在賈宋西

雙泉寺 在城西北寺前一泉

葛仙廟 在縣城

隆興寺 在縣東南淇河

太子寺 在縣東南二十里

大莊寺 在縣東北四十里

栢林寺 在縣西四十里一名狼塚寺

彌陀寺 在縣西三十五里

泰山廟 在縣東二里大殿拜殿各三間廊房十



二間山門三間道房六間

凌霄觀 在縣西北

雲鶴觀 在縣西三十里一名白雲觀

真武觀 在高坵

崇聖觀 在縣東南十五里玉皇殿三間三清殿  
三間大殿三間山門三間道房八間

修真觀 在縣西北五十里大殿三間山門三間

崇道菴 在嚴陵河東

論玄宮 在縣西北三十里

觀音堂 有六一在城西南隅一在東關一在南

關一在西關一在北關西關改爲崇興寺一在

晁陂

玄帝廟 有二一在城東北隅一在縣西關

東嶽廟 在縣東二里

三官廟 在縣西三里河大殿拜殿九間山門三

間道房十二間

先主廟 在縣西四十五里知縣翁金堂增祀諸  
葛武侯有記

光武廟 有二一在遮山嶺一在馬隱寺地方又  
名隱帝廟莽兵迫至此地隱焉

舜皇廟 在縣北十里大殿六間山門三間道房  
四間

五嶽廟 在縣西十二里大殿三間山門三間道

房七間

三潭廟 在縣西北八十里宋乾德時建有石碣  
至熙甯十年封嘉顯侯崇甯三年賜額普潤宣  
德三年知府陳正倫禱雨有應重修宋御史石  
雄元亨亦魯辨明知縣劉勲皆有記康熙二十  
八年知縣張琮禱雨有應重修

元君廟 在縣西三十里

白龍廟 有二一在金塚山一在梁家村

鍾公祠

在南門外距城數丈武祀明崇禎末殉

節知縣鍾其碩以同時殉節典史杜日泰附祀

黑龍廟

在縣東南四十里大殿三間山門一間

道房二間

四龍廟

在縣西二十里

都土地廟

在扁坡

火燒廟

在縣東北十里元時火燒林中因名焉

北泰山廟

在縣東北十五里山埠處大殿三間

山門三間道房五間

張仙祠 在城東南隅鄉耆曾祿建大殿三間山門一間禪房三間

清源祠 在縣北百步許卽今二郎廟明知縣鄭思宇建

薄姬廟 在縣南二十里姬漢文帝之母

老君堂 在縣東二十里大殿拜殿各三間山門三間道房三間

白雲觀 在城西三十里大殿拜殿各三間山門  
一間道房七間

大龍廟 在縣西北四十里大殿拜殿各三間祖  
師殿三間山門三間道房九間

鍾公祠 在南門外距城數十武祀明崇禎末殉  
節知縣鍾其碩以同時殉節典史杜日泰附祀  
鑼鼓廟 在城南五里大殿三間山門三間禪房

六間

圓明寺 在城南二十里大殿拜殿各三間山門

三間禪房十二間

普門寺 在城西二十五里大殿三間東西殿六

間禪房三間

馬隱寺 在城北二十五里

寶林寺 在高坵北

玉皇廟 在晁陂南三里同治二年廟被賊焚文

生楊旭照楊挺然勸捐重修大殿拜殿六間道



房六間

觀音寺 在城西南三十五里侯莊

村鎮

土門村在縣南三十里就沙岡南北門曹操攻張

繡偽鑿地道遁去之處 馬庄村在縣西南五十

里 破臺村在縣西北三十里 淇河屯在縣東

南十二里 菩提寺屯在縣北二十五里 照河

屯在縣西十里 李家屯在縣西南四十里 中

興寺屯在縣西十五里 沙岡屯在縣南三十里

韓家凹屯在縣西二十里 杏花山屯在縣東

北十五里 柳泉舖屯在縣東二十里 曲家屯  
在縣西四十里 三里河屯 五里岡屯 八里  
店屯 土門屯

以上十七處均係曩時村鎮名目後隨時更改  
國朝知縣李似楠併爲四路村鎮共二十七處

瓦踏峪 十二里河 喬旗營 鳳洋店

土門 沙埠口 白雲觀 李家庄

義井河 馬庄 大王廟 賈宋

中興寺

上嚴陵河

下嚴陵河

西河

晁陂

曲家屯

西三里河

紅花峪

塚上寺

四龍廟

馬隱寺

楊安寺

東臺

西臺

高坵

金之其

圖

今

一

三

橋梁

安陽橋在南門口

西門橋邑善人許卿修建有記

東三里橋邑生員白諒修後改爲明河橋邑監生  
梁天柱修有記

西三里橋邑善人陸春建明萬厯間邑監生梁天  
元重修今廢

晁陂橋在縣西二十五里邑貢生梁若玉創建已

久廢

曲家屯橋在縣西四十里

達義橋在縣東二十里趙繼宗許卿先後重修今廢

王公橋一座在遮山北柳泉鋪迤東守備衙王植獨力重修

杏陽橋一座在杏山南

坊表

太和元氣坊今爲櫺星門

興賢坊在文廟東垣

育才坊在文廟西垣

顯祐伯坊在城隍廟前

文武爲憲坊在察院前

進士坊在延壽寺東爲進士倪備立今圯

玉堂仙品坊在城西街甲辰進士曾一貫立今圯



奎光坊在北門內爲舉人李易立

飛黃坊在南門內爲舉人張沂立圮

鄉進士坊在太極觀西爲舉人高憲立圮

木天坊在東門內爲舉人張光耀立圮

芹宮建義坊在東門內爲鴻臚寺序班張達修學立

楓陞肅儀坊在東門內爲鴻臚寺序班張達立

義士坊在東門裏爲義士牛順立

孝行坊在南門裏爲孝子王室立

張塚

澤骨井在城西

漏澤園在城東

掩骼處在城北